



V 9
2108





a



Q.K. 120, 17.

Vg
2108



Ermanunge zum fri-
 de auff die zwelff
 Artikel d̄ Barv-
 schafft ynn
 Schwab-
 ben.

Mart. Luther.
 Wittemberg.
 1525

BIBLIOTHECA
 PONICKAVIANA





hat die Bawrischafft / so sich yzt yn Schwaben land zu samen geworffen / zwelff artickel von yhren vntreglichen beschwerungen gegē die oberkeit gestellet / vnd mit etlichen sprüchen der schrift furgenomen zu gründen / vñ durch den drück lassen außgehen. In wilchen mir dz auß best gefallen hat / das sie ym zwelfften artickel sich erbietē / besser vnterricht / wo es mangelt vnd von nöten were / gerne vñ williglich anzunemen vnd sich wöllē weysen lassen / so ferne dassel bige durch helle / öffentliche vnleugbare sprüche der schrift geschehe / wie den billich vnd recht ist / dz niemands gewissen weytter oder anders / den mit götlicher schrift / vnterricht vñ geweisēt werde.

Wo das nu yhz ernst vñ eynfeltige meynunge ist / als mir nicht anders wil zu deutē gebüren / weil sie sich mit den selbē artickeln frey an den tag gebē / vnd das liecht nicht schewen wöllē / So ist noch gutte hoffnung da / Es solle gut werden. Vnd mir / als dā auch einer ist gerechnet vnter denē / die götliche schrift yzt auß erden handeln / sonderlich aber so sie mich mit namē yn dem andn zeddel nennē vñ beruffen / deste größern mut vñ zuuersicht gibt / meine vnterricht / freundlicher Christlicher meynunge / nach brüderliche liebe pflicht / auch an den tag öffentlich zu geben / damit nicht durch mein schweygen / mir auch zu geteylet vnd außgelegt werde für got vñ der welt / so sich etwas vnrads vñ vnfalls draus entspinne. Ist aber solchs nur zur farbe vñ schein von yhnē erboten / als on zweiffel wol etliche der arth vnter yhnen sind / Den es nicht muglich ist / das so grosser hauffe alle sampt rechte Christē seyen / vnd gute meynung habē / Sondern ein gros theyl / der andern gutten meynung zu yhrem mutwillen brauchē vnd das yhre darunter süchen. Solchen wirt on zweiffel nicht viel gelingē / odd yhe zu yhrem grossen schaden vnd ewigem verderben gelingen.

Weyl den dysē sache gros vnd ferlich ist / als die beyde Gottes reich vnd der welt reich betrifft / Den wo diese auffrur solt fort dringē vnd vber hand nemen / würden beyde reich vntergehen / dz widder weltlich regiment / noch götlich wort / sondern eine ewige verstörungē ganzes Deutschen landes folgen wurde / So ist von nöten das wir frey dauon reden vnd radten / niemands angesehenen Wid



hen/ Widderumb das wir auch williglich/ hören vnd vns einmal
sagen lassen/ auff das nicht vnser hertzen verstockt vnd ohre ver-
stopfft/ wie bisher geschehen ist/ Gottes zorn seinen vollẽ gang
vnd schwancf gewinne. Den so viel grausamer zeichen/ so bisher
beyde am himel vnd auff erdẽ gewesen sind/ ein gros vnglück fur
handen/ vñ ein treffliche verenderung yn Deutschen landen an-
zeygen/ wiewol wir vns leyder wenig dran keren. Aber Got auch
nichts deste weniger fort feret/ vñ vnser harte köpffe einmal
wird weich machen.

An die Fursten vnd Herrn.

Erstlich mögen wir niemand auff erdẽ danckẽ solchs vnraths
vnd aufrurs/ den euch fursten vñ herren/ sonderlich euch blin-
den Bischoffen vnd tollẽ Pfaffen vnd Mönchen/ die yhr noch
heuttigs tages verstockt/ nicht auff hören zu tobẽ vñ wüten wid-
der das heylge Euangelion/ ob yhr gleich wisset das es recht ist/
vnd auch nicht widerlegen kündet/ Darzu yn weltlichem regimẽt
nicht meer thut/ den das jr schindet vnd schatzt/ ewern pracht vñ
hohmut zu füren/ biß der arme gemeyne man nicht kan noch mag
lenger ertragen. Das schwerd ist euch auff dem halse/ noch meinet
yhr sitzt so feste ym Satel/ man werde euch nicht mügen außhebẽ
Solche sicherheit vnd verstockte vermessenheit wirt euch dẽ hals
brechẽ/ das werdet yhr sehen. Ich habß euch zuuor vilmal verkün-
digt/ yr solt euch hüten fur dem spruch/ Psalm. 104. Effundit cõs-
temptum super principes. Er schüttet verachtung vber die Für-
sten/ Ir ringet darnach/ vnd wöllet auff den kopff geschlagẽ sein
da hilfft kein warnen noch vermanen fur.

Wolan weyl yhr den vrsach seyt solchs Gottes zorns/ wir ds on-
zweiffel auch vber euch außgehen/ wo yr euch noch nicht mit dzeit
bessert. Die zeichẽ am hymel vnd wunder auff erdẽ gelten euch lie-
ben herzen/ kein gutts deuten sie euch/ kein gutts wird euch auch
geschehen. Es ist schon des zorns ein gros teyl angangen/ dz Got
so viel falscher lerer vnd propheten vnter vns sendet auff das wir
zuuor mit yrthumb vñ Gottes lesterung reichlich verdienẽ die hel-

le vnd ewige verdammniß. Das ander stück ist auch furhanden / dz sich die b. wren rottē / daraus / wo Got nicht weret / durch vnser buße bewegt / folgen mus / verderbē / verstörung vñ verwüstung deutsches lands / durch greulich mord / vnd blut vergiessen.

Den das solt yr wissen liebē herren / Gott schaffts also das man nicht kan noch wil / noch solle ewer wütereij die lenge dulden. Ihr müßt anders werdē / vñ Gots wort weichē / Thut yrs nicht durch freundliche willige weyse / so müßt yrs thun / durch geweltige vñ verderbliche vnweyse. Thuns diese Bawrē nicht / so müßens andere thun. Vnd ob yr sie alle schlägt / so sind sie noch ungeschlagē / Got wirt andere erweckē / Den er wil euch schlagē vnd wird euch schlagē. Es sind nicht bawren / liebē herren / die sich wid euch setzē Got ist selber / der setz sich wider euch / heimzuszüchē ewer wütereij. Es sind etliche vnter euch / die haben gesagt / sie wöllē land vñ leut dran setzē / die Lutherische lere aufzurotten / Wie dünckt euch? Wen yr ewr eygen prophetē weret gewesen / vñnd were schon land vñ leut hynan gesetzt? Schertzt nicht mit Got / liebē herren / Die Juden sagten auch wir haben keinen kōnig / vnd ist ein solcher ernst worden / das sie ewicklich on kōnig sein müßten.

Auff das yr aber euch noch weiter versündigt / vnd ya on alle barmhertzigkeit zu scheyttern gehet / so fahē etliche an / vnd gebē dem Euangelio die schuld / sprechen / das sie die frucht meiner lere. Tu Tu lestert flur liebē herren / yhr wölt nicht wissen / was ich geleret habe / vnd was das Euangelion sey. Er ist aber fur d thür der es euch leren wird gar bald / bessert jr euch nicht / Ihr vñ yeder man mus mir zeugnis gebē / das ich mit aller stille geleeret habe / hefftig wider auffruhr gestrittē / vnd zu gehorsam vnd cere / auch ewer tyrannischen vnd tobendē oberkeit / die vnterthanē gehalten vnd vermanet mit höchstem fleis / das dise auffruhr nicht kan aus mir kōmen / Sondern die mordprophetē / wilche mir ya so feynde sind als euch / sind vnter dysen pöfel kōmē / Damit sie nun lenger den drey yar vmb sind gangē / vnd niemant so fast geweret vñ widerstandē / als ich alleine. So nu Got euch zu straffen gedēckt / vñ leßt den teuffel durch seine falsche propheten / den tollē pöfel wid der euch erregen / vnd wil vñlleicht / das ich nicht meer weren solle
noch

Kunde. Was kan ich oder mein Euangelion darzu: wilchs bissher
vnd noch/ nicht alleine ewer verfolgen vnd merden vnd tcbē erlit
ten hatt/ sondern auch fur euch gebetten / ewer oberkeit helffen
schützen vud handhaben vnter dem gemeinen man.

Vnd wenn ich lust hette mich an euch zu rechē/ so möcht ich yzt
yn die faust lachē/ vnd den bawrē zusehen/ oder mich auch zu yhnē
schlagē/ vnd die sachē helffen erger machē. Aber da sol mich mein
Got fur behüten/ wie bissher. Darumb meine lieben herin/ yz seyt
feinde oder freunde/ bitte ich vnterthenicklich/ verachtet meine
trewe nicht/ ob ich wol ein armer mensch bin. Verachtet diese
auffruhr auch nicht/ das bitte ich/ Nicht das ich achte od fürch
te das sie euch zu mechtig sein solten/ Wil auch nicht dz yz euch
der halben fur ihnen fürchten sollet/ Sondern Got fürchtet/ des
zorn sehet an/ will euch d straffen/ wie yz verdienet habt/ als ich
sorge/ so strafft er euch/ vnd wenn der bawrē hundert mal weni
ger weren/ Er kan wol steynen zu bawren machen/ vnd widerüb.
Vnd durch einen bawren hundert von den ewern erwürgen/ das
euch alle ewer harnisch vnd stercke zu wenig wird.

Ist euch nu noch nicht zu rattē/ meine herin/ so weicht ein we
nig vmb Gots willen dem zorn/ Ein truncken mā sol ein fudder
haw weichen/ Wie viel meer solt yhr das toben vnd störrige tyrā
ney lassen/ vnd mit vernunfft an den bawren handeln/ als an den
trunckenē od yrrigē. Sahet nicht streyt mit ynen an/ den yz wisset
nicht wo dz ende bleibē wirt/ sechts zuuor gütlich/ weil yz nicht
wisset w3 Got thū wil/ auff dz mit ein funcke angehe vñ gātz deut
schlād anzünde/ dz niemāt lesschē künde. Unser sünde sind da fur
got/ derhalbē wir seinē zorn zu fürchtē habē/ wenn gleich nur ein
blas rauffchet/ Schweyge den wēn ein solcher hauffe sich reget
Verlieret yz doch mit der güte nichts vnd ob yz etwas dran verlō
ret/ Kan es euch hernach ym fride zehenseltig wider werdē/ da yz
mit streyt velleicht leib vnd gutt verliert/ Warumb wollt yhr
euch ynn die fahr geben/ so yhr wol mit ander guter weise möcht
meer nutz schaffen?

Sie haben zwelff artickel gestellet / vnter wilchen etliche so billich vnd recht sind / das sie euch fur Got vnd der welt den glimpf nemen / vnd den Psalmē war machen / das sie verachtungē schütten vber die fürstē / Doch sind sie fast alle auff yren nutz vnd yhn zu gutt gestellet / vnd nicht auff jr bestes ausgestrichen. Ich hette wol ander artickel wider euch zu stellē / die gemein Deutch land vnd regimēt betreffen / wie ich than hab ym buch an den deuschē Adel / da wol meer angelegen were / Aber weyl yr die habt yn den wind geschlagen / must yr nu solche eygennützigē artickel hörē vñ leyden / Vnd geschicht euch ebē recht / als denen nicht zu sagen ist

Den ersten artickel / da sie begern das Euangelion zu hörē / vnd recht einen Pfarherz zu erwelen / künd yr nicht abschlahē mit eygenigem schein / wiewol der eygen nütz mit vnterleufft / das sie fürgeben / solchen pfarherz mit dem zehendē zu erhaltē / der nicht jr ist / So ist doch das die Summa / man solle yhn das Euangelion lassen predigē / Darwider kan vnd soll kein oberkeit. Ja oberkeit sol nicht weren / was yederman lerē vnd gleuben wil / es sey Euangelion oder lügen / Ist gnug / das sie auffruhr vnd vnfride zu leren weret.

Die andern artickel / so leibliche beschwerunge anzeigē / als mit leybfall / auffsetze vnd der gleichē / sind ya auch billich vñ recht / Den oberkeit nicht drum eingesetzt ist / das sie yren nutz vñ mutwillen an den vnterthanē sūche / sondern nutz vñ dz beste verschaffe bey den vnterthenigē. Nu ist ya nicht die lēnge treglich / so zu schutzen vñ schinden / Was hülffs wen̄ eins bawren acker so viel güldē als hallmē vnd kōmer trüge / so die oberkeit nur deste meer neme / vñ yren pracht damit ymer grösser machte / vnd das gut so hyn schaudert / mit kleydern / fressen / sauffen / bawen / vnd der gleichen / als were es spew / Man muste ya den pracht einzyhen vnd das außgeben stopffen / das ein arm man auch was behalten künde. Weytter vnterricht / habt yhr aus yren zeddeln wol vernomen / das sie yre beschwerunge gnugsam dar bringen.

Zu die Bayrichafft.

Ihr habt

Ihr habt bißher liebē freunde vernomen nicht anders / denn das
ich bekēne / Es sey leider alzu war vnd gewiß / das die fürsten
vnd herren / so das Euangelion zu predigē verbieten / vnd die
leute so vntreglich beschweren / werd sind vnd woll verdienet ha-
ben / das sie Got vom stul stürzte / als die widder Got vnd mens-
schen sich höchlich versündigē / sie habē auch keine entschuldigung
Nichts weniger ist euch auch wol fur zu sehen / das yhr ewer sächē
mit gutem gewissen vnd recht furnemet / Den wo yr gut gewissen
habt / so ist bey euch das tröstliche vorteyl / das euch Gott wirdt
beystehen vnd hyndurch helffen / Vnd ob jr gleich eine zeit lang
vnterleget oder drüber den todt leydet / so gewünnet yhr doch zu
letzt / vñ wurde die seele ewicklich mit allē heiligen erhalten.
Habt yrs aber nicht recht noch gutt gewissen / so müßet yr vnter-
lygen / Vñ ob jr schon zeitlich gewünnet / vñ alle fürsten erschlü-
get / doch zu letzt ewicklich an leib vnd seele verloren werdē. Drüb
ist euch hie nicht zu scherzē / Es gilt leib vnd seele ewicklich auff
ewer seitten / Vnd ist am meistē des war zu nemen vnd mit allem
ernst drauff zu sehē / nicht allein wie mechtig yr seyt / vñ wie gros
vnrecht yhene habē / sondern wie gut recht vñ gewissen yhr habt.

Derhalbē ist meine freundliche vñ brüderliche bitte / liebē herren
vnd brüder / sehet ya zu mit fleis was jr macht / vñ gleubt nicht al-
lerley geistern vnd predigern / Nach dem der leydige Sathan yhr
viel wilder rotten geister vnd mordgeister / vnter dem namen des
Euangeli hat erweckt / vnd damit dy welt erfüllet. Höret doch vñ
laßt euch sagē / wie yr euch den vielfeltig erbietet / Ich wil meine
trewe warnung / wie ich schuldig bin an euch nicht sparen / ob
mich etliche villeicht durch die mordgeister vergiffet / werden
drumb hassen vnd einen heuchler heissen / da frage ich nicht nach
Mir ist gnug / ob ich ewer ettliche gut hertzige / rechtschaffene /
von der fahr götlichs zorns errette / Die andern wil ich ya so we-
nig fürchten / so hoch sie mich verachtē / Sie sollē mir auch nicht
schadē / Ich weiß einen der ist grōßer vñ mechtiger den sie sind /
der leret mich also Psal. 3. Ich fürcht mich nicht ob viel mal tau-
sent volcks sich wid mich setzē / Mein trotz sol jrē trotz außstehē /
das weiß ich furwar.

Erstlich lieben brüder / yr füret den namē Gottes / vnd nennet
euch eine Christliche roete / oder vereynigung / vnd gebt fur / yr
willet nach dem götlichen rechte faren vnd handeln. Wolan / so
wisset yr ya auch / das Gottes name / wort vnd titel / sol nicht
vergeblich noch vnnütze anzogē worden / wie er spricht ym andn
gebot. Du solt den namen Gottes deines Herzn nicht vnnützlich
füren. Vnd setzt darzu vnd spricht. Denn Got wirt denen nicht vn
schuldig lassen sein / der seinē namē vnnützlich füret. Hie stehet d
t. pt hell vnd klerlich / der euch so wol als alle mensche betrifft /
vnd vnangesehen ewre grosse menge recht vnd schrecken / eben so
wol euch seinen zorn drewet / als vns vnd andn allen. Er ist auch
wie yr wisset / enchmechtig vnd starck gnug / das er euch straffe
wie er hie drewet / wo yr seinē namē vmb sonst vnd vnnützlich fü
ret / Das euch schlechts kein glück / sondn alles vnglück zu war
ten ist / wo yr seinen namē felschlich füret / da wisset euch nach zu
richten / vnd seyt freundlich gewarnt. Es ist ym ein schlecht
ding / so viel barzen zu würgē oder zu hyndern / der etwa die gan
ze welt mit d sindflut erseufft / vnd Sodoma mit feur versenck
t. Er ist ein almechtiger schrecklicher Got.

Zum andern / Das yr aber die seit / die Gottis namē vnnützlich
fürē vnd schendē / ist leichtlich zu beweysen / Vnd das euch dar
umb zu letzt alles vnglück begeben werde / ist auch nicht zu eiffel
Got sey denn nit warhafftig. Denn hie stehet Gottes wort vnd
spricht durch den mund Christi / Wer das schwerd nimpt / d sol
durchs schwerd vmbkomen / das ist ya nicht anders / den dz nie
mand sol mit eygenem freuel / sich der gewalt vnterwinden / Son
dern wie S. Paulus sagt. Ein ygliche seele solle d oberkeit vnter
than sein / mit fürcht vnd ehren. Wie kündet ihr doch fur diesen
Gottis spruchē vnd rechten vber / die yr euch rhümet götlichem
recht nach zu fürē / vnd nemet doch das schwerd selbs / vñ lehnet
euch auff wider die oberkeit / von Gots recht geordenet. Meinet
yr nicht / das v. teyl S. Pauli Rom. 13. werde euch treffen. Wer
Gots ordnung widerstrebt / der wird das verdammis vberkomē.
Dz heist ya Gottis namē vnnützlich fürē / furgebē Gottes recht
vnd doch vnter dem selbē namē wider Gottes recht strebē. O se
het euch

het euch für liebe herrn/ Es wird zu letzt nicht so hinaus gehē.

Zum dritten/ Ja spricht yhr/ die überkeit ist zu böse vnd vnleidlich/ Denn sie das Euangelion vns nicht lassen wöllē/ vnd drucken vns alzu hart/ yn zeitlicher gutter beschwerüg/ vñ verderbē vns also an leib vnd scele. Antworte ich/ Das die überkeit böse vnd vnrecht ist/ entschuldigt kein rotterey noch auffrur/ Den die bößheit zu straffen/ das gebürt nicht ein iglichē/ sondern der weltliche überkeit/ die dz schwerd füret/ Wie Paulus Ro. 13. vnd Petrus. 1. Petri. 3. sagt das sie zur straff d bösen von Got verordnet sind. So gibtes auch dz natürliche vnd aller welt recht das niemād solle noch müge sein eygē richter sein/ noch sich selbs rechnen/ Den war ist das sprichwort/ Wer wider schlegt/ der ist vnrecht. Item/ wer wider schlegt/ macht hader. Da stimpft götlich recht mit vñ spricht Deutero. 32. Die rache ist mein/ ich wil vergelten/ spricht der herr/ Tu mügt yhr ya nicht leucken/ das ewer auffrur sich der massen helt/ das yhr euch selbs zu richter macht/ vnd euch selbs rechnen/ vnd kein vnrecht leyden wölt. Ds ist nicht allein wider Christlich recht vnd Euangelion/ sondern auch wider natürlich recht vnd alle billickeit.

Solt yhr nu bestehen mit ewrem fürnemen/ vnd habt doch bey de götlich vnd Christlich recht/ ym altē vnd newen Testamēt/ auch das natürliche recht wider euch/ so müßet yhr eynen newē sōnderlichen befelh von Got auffbringen/ mit zeichen vnd wunder bestetiget/ der euch solchs zu thun macht gebe vnd heysse/ Sonst wird Gott sein wort vnd ordnung nicht so lassen durch ewern eygen freuel brechen/ sondern weyl yhr götlich recht rhümet vnd doch da widder faret/ wird er euch/ als die seinē namē zur schande füren/ gar grewlich fallen vnd straffen lassen/ vñ da zu ewicklich verdamnen/ wie droben gesagt ist. Den hie geht es euch nach dem spruch Christi Math. 7. das yhr den splitter yn d überkeit ange sehet/ vnd sehet den balcken nicht yn ewrem auge. Item nach dem spruch S. Pauli Rom. 3. Laßt vns böses thun das gutt werde/ welcher verdammis billich vnd recht ist/ Denn die überkeit thut vnrecht/ das ist war/ das sie das Euangelion

B

weren/ vnd beschweren euch ym zeitlichen gut/ Aber viel meer
thut yhr vnrecht/ das yhr Gots wort nicht alleine weret/ son-
dern auch mit füßen trettet/ vñ greiffet ihm yn seine gewalt vñ
recht/ vnd faret auch vber gott/ Darzu nemet der oberkeit yhre
gewalt vnd recht auch/ Ja alles was sie hat/ Den was behelt
sie/ wenn sie die gewalt verloren hat.

Ich setze euch selbs zu richter / vnd stelle es ym zwer vrtail/
Wilcher der ergste reuber der ergste sey/ Obs der sey/ der eym
andern ein gros stück gutt nimpst/ vnd lesst yhm doch etwz/ od
d/ so einem alles nimpt dz er hat/ vñ dē leib dazu: Die oberkeit
nimpt euch vnbillich etwz gut/ das ist ein stück. Widerüb nemet
yhr den selben yhre gewalt/ darynne alle yr gutt/ leib vnd leben
stehet/ drum seyt yhr viel grösser reuber denn sie/ vñ habts er-
ger für/ denn sie gethan haben. Ja sprecht yhr/ wir wöllen yhn
leib vñ gut gnug lassen/ Das glaube wer da wöl/ ich nicht/
Wer so viel vnrechts thar wagen/ das er eym mit freuel die ge-
walt nimpt/ das grössst vnd heubtstück/ der wirds auch nicht
lassen/ er wird yhm das and vnd geringst/ so dran hanget/ auch
nemen. Frisst der wolff ein ganz schaff/ so frisst er freylich auch
wol ein ohre dauon. Vnd ob yhr schon so frum weret/ das yr yhn
leib vnd guts gnug lieffet/ dennoch ist das alzu viel geraubt vñ
vnrecht/ das yhr das beste/ nemlich die gewalt/ nemet/ vñ selbs
euch zu herzen vber sie macht/ Got wird euch doch für die gröss-
sten reuber vrteylen.

Künd ihr nicht dencken oder nicht rechnen: Liebē freunde/ dz/
wann ewer furnemen solt recht sein/ So würde ein yglicher wid-
der den andern richter werdē/ vnd keine gewalt noch oberkeit/
ordnung noch recht/ bleiben yn der welt/ sondern eittel mord vñ
blutuer gießen/ Denn so baldt er sehe das yhm yemand vnrecht
thette/ würde er zu faren/ vnd selbs yhn richten vñ straffen.
Ist nu das vnbillich vñ nicht zu leydē vñ einer eyntzelē personē/
so ist auch von keiner rotten noch hauffen zu leyden. Ist aber
von einer rotten oder hauffen zu leiden/ so kan mans mit keines-
fug noch recht/ der eingelen personen weren/ Denn es ist auff
beiden

beyden teylen gleiche vrsache/ nemlich/ das vnrecht. Vnnd wie
wolt yhr thun? wenn yn ewer rotte sich anfienge/ solcher freuel/
das sich ein iglicher widder den andern setzet/ sich selbs rechenet
an seinem beleydiger? Wolt yhrs auch leidene Würdet yr nicht
sagen/ er solte andere lassen richten vnd rechen/ die von euch ge-
setzt werene? Wie wolt yhr denn fur Got vnd der welt bestehen/
das yhr euch selbs richtet vnd rechnet/ wider ewer beleydiger/
ya widder ewer oberkeit von Got verordenet.

In diß ist alles gesagt von gemeinem götlichem vnd natürli-
chem recht/ das auch Heyden/ Türcken vnd Juden haltē müs-
sen/ sol anders fride vnd ordnung yn der welt bleibē. Vnd wenn
yhr dasselbige schon alles hieltet/ dennoch nichts bessers noch
meer thettet/ den die Heyden vnd Türcken/ Denn das mā sich
selbs nicht richtet noch rechet/ sondern die gewalt vñ oberkeit
sölchs leßt/ macht keinen zum Christen/ man muß es doch zu-
letzt thun/ man thu es gerne oder vngerne. Weyl aber yhr wid-
der sölchs recht farct/ so sehet yr ya klerlich/ das yhr erger den
die Heyden vñ Türcken seyt/ schweyge denn das yhr Christen
sein solt. Was meinet yhr aber das Christus dazu sagen wird/
das yr seinen namen füret/ vnd nennet euch eine Christliche sam-
lung/ so yhr doch so ferne dau on seyt/ ya so greulich wider sein
recht thut vnd lebt/ das yr auch noch nicht Heyden oder Türckē
zu heissen würdig seyt/ sondern viel erger/ als die do wider got-
lich vnd natürlich recht bey allen Heyden gemein gehalten/ to-
bet vnd strebt.

Da sehet lieben freunde/ was yhr fur Prediger habt / wie sie
ewre seele meynen. Ich sorge es seyen etliche mordprepheten vn-
ter euch kornen/ die durch euch gerne woltē herren yn der welt
werden/ darnach sie nun kengest gerungen haben/ vñnd fragen
nicht darnach/ das sie euch fürn yn fahr/ leibs/ guts ehre vnd
seele/ beyde zeitlich vnd ewicklich. Wolt yhr nu göttlich recht
haltē/ wie yr rhümet/ wol an so thuts/ da stehts/ Got sprichet
Die rache ist mein/ ich wil vergeltē. Jē Seyt vnterthan/ nicht
alleine den guttē herre/ sondern auch den bösen/ Thut yrs/ wol.
Thut yhrs nicht/ so muget yhr wol ein vnglück anrichtē/ aber es

wird vber euch endlich ausgehen / da zweiffel nur niemand an /
den Got ist gerecht / vnd wirds nicht leyden / Darüb sehet euch
fur mit ewer freyheit / das yr nicht dem regen entlaufft vnd fals
set yns wasser / vnd so yhr meynet leyblich frey zu werden / das
yr drüber verlieret / Leib / gut / vnd seele ewicklich. Gottes zorn ist
da / fürcht euch / das rad ich. Falsche propheten hatt der teuffel
vnter euch gesand / da hüt euch für.

Weitter wöllen wir nu auch von dem Christlichen vnd Euan
gelischen recht sagen / welchs die Heydē nicht bindet wie das vö
rige. Denn so yhr euch rhümet vnd gerne höret / das man euch
Christen nenne / vnd dafur wölt gehalten sein / so werdet yr ya
auch leyden das man euch ewer recht fur halte. Höret nu zu lie
ben Christen ewer Christlich recht. So spricht ewer oberster Herz
Christus / des namen yr füret Matth. 6. Yhr solt dem vbel nicht
widderstehen / sondern wer dich zwingt eine meyl wegs / mit dez
gehe zwo meyle / Vnd wer dir den mantel nimpt / dem lass auch
den rock / Vnd wer dich auff einen backen schlegt / dem halt den
andern auch dar. Höret yhrs / yre Christliche samlungē wie rey
met sich ewer furnemen mit diesem recht. Yhr wolt nicht leyden
das man euch vbel vnd vnrecht thue / sondern frey sein vnd nur
eyttel gut vnd recht leydē. Vnd Christus spricht / man solle key
nem vbel noch vnrecht widderstehē / sondern ymer weichen / ley
den vnd nemen lassen. Wölt yr sölchs recht nicht tragen / lieber
so thut auch den Christlichē namen von euch / vnd rhümet euch
eynes andern / der ewrem thū gemess ist / od Christus wird selbs
seyner namen von euch reyssen / das euch zu schwer sein wird.

Also spricht auch S. Paulus Ro. 12. Rechnet euch selbs nicht
aller liebsten / sondern gebt raum dem zorn Gottes. Item so lobt
er die Corinthen. 2. Corint. 11. das sie gerne leyden / so yemand sie
schlecht oder raubt. Item. 1. Cor. 6. strafft er sie / dz sie vmb
gut rechteten / vnd nicht das vnrecht leyden. Ja vnser Herzog Jhes
sus Christus spricht Matth. 7. Wir sollen gute wünschē denē
die vns beleydigē / vnd bitten fur vnser verfolger / vnd liebē vn
sere feinde / vnd wolthun vnsern vbelthetern / Dis sind vnser
Christli

Matth. 7.

Christliche rechte / lieben freunde. Tu sehet yhr wie weyt euch die falschen propheten dauon gefürt haben / vnd heissen euch da zu noch Christen / so sie euch erger denn heyden gemachte haben. Den an diesen sprüchen greiffst ein kind wol / dz Christlich rechte sey / nicht sich streuben wider vnrecht / nicht zum schwerd greiffen / nicht sich weren / nicht sich rechē / sondern dahyn gebē leib vnd gut / das es raube wer da rawbet / wir habē doch gnug an vnserm Herrn der vns nicht lassen wird / wie er verheissen hat. Leiden leyden / Creutz creutz ist der Christen recht / das vnd keyn anders. Tu aber yhr also kempffst vmb das zeitlich gut / vñ wöllet den rock zum mantel nicht faren lassen / sondern den mantel widderholen / wenn wöllet yr den sterben vnd den leib lassen / oder ewre feinde lieben oder wol thun? O der losen Christē. Lieben freunde / die Christē sind nicht so gemein das so viel solten auff einen hauffen sich versamlē / Es ist ein selzamer vogel vmb eynen Christē / Wolt Got wir weren das mehrer teyl gutte frome Heyden / die das natürlich recht hielten / ich schweyge des Christlichen.

Ich wil euch auch etliche exempel erzelen des Christlichē rechts das yhr sehet / wo hyn euch die tollken propheten gefürt haben: Sehet an S. Peter ym Garten / der seinē Herrn Christum wolte mit dem schwerd vertheydingen / vnd schlug dem Malcho eyn ohr ab. Sagt an wer da kan / Hatte Petrus hie nicht gros recht? War es nicht ein vnleydlich vnrecht / das sie Christo nicht alleyn das gut / sondern auch das lebē wolten nemen? Ja sie namen yhm nicht alleine leib vnd gut / sonder vnterdrückten damit dz Euangelion gantz vnd gar / dadurch sie solten selig werdē / vñ beraubten sie also des hymelreichs / Sölch vnrecht habt yr noch nicht alles erlydden / lieben freunde. Sehet aber was Christus hie thut / vnd leeret / Wie gros sölch vnrecht war / dennoch weret er S. Petro / heist yhn das schwerd einstecken / vnd wil nicht leyden / das er sölch vnrecht rechne odder were / Dazu fellet ein tödlich vrtheil vber yhn / als vber einen mörder / vnd spricht / Wer dz schwerd nimpt / sol durchs schwerd vmbkome. Da müß

sen wir greiffen/ das nicht gnug ist/ ob yemandt vnns vnrecht
thue/ vnd wir gute sache vnd recht habē/ Sondern auch recht
vnd macht habē müssen des schwerds von Got befolhē/ solchs
zu straffen. Darzu ein Christen auch das leyden sol/ obman das
Euangelion weren wil/ Istts anders muglich das Euangelio
yemand zu weren/ wie wir hören werden.

Ein ander exempel. Christus selbs/ was thut er da man yhm
das leben am creutz nimpt/ vnd damit sein predig ampt nidder
lege/ dazu er gesand war von Gott selber/ den seelen zu gut? Dz
thut er/ wie S. Petrus sagt/ Er stellet es dem heym der recht
richtet/ vnd er leyd soleh vnleydlich vnrecht. Ober das hatt er
fur seine verfolger vnd sprach/ Vater vergib yhnen/ den sie wis
sen nicht was sie thun. Wo yhr nu rechte Christē seyt / müßt ye
warlich auch so thun/ vnd diesem exempel folgen. Thut yhrs
nicht/ so laßt nur bald den Christlichen namen vnd rhum des
Christlichen rechts faren. Denn so seyt yhr gewißlich nicht Chri
sten/ sonder wider Christum vnd sein recht vnd lere vnd exem
pel. Wenn yhrs aber thettet/ so soltet yhr bald Gottes wunder
sehen/ das er euch würde helffen/ wie er Christo than hat/ den
er nach volendung seins leydens so hat gebrochē/ das sein Eua
gelion vnd reich mit krafft/ zu trotz allen seinen feinden/ durch
drang vnd oberhand nam. Also würde er euch auch helffen/ dz
sein Euangelion mit macht würde bey euch auffgehen/ wo yhr
zuuo: auslyddet/ vnd yhm die sache heym gebet/ vnd seiner ra
che erharret. Tu yr aber selbs dreynfallet vnd wollets nicht mit
leyden/ sondern mit der faust erobern vnd erhalten / so hindert
yhr seine rache/ vnd werdet machen/ das yhr widder Euange
lion noch faust behalten werdet.

Ich mus mich auch als ein gegenwertig exempel zu dieser zeit
mit zelen. Es hat Bapst vnd Keyser wider mich gesetzt vnd ges
tobet. Tu wo mit hab ichs dahyn bracht/ das yhe meer Bapst
vnd Keyser tobet haben/ yhe meer mein Euangelion fort ist gan
gen? Ich habe nye kein schwert gezuft/ noch rache begert/ Ich
habe kein rotterey noch auffruhr angefangen/ sondern d welt
lichen

liche oberkeit / auch die / so das Euangelion vñ mich verfolget /
jr gewalt vñ chre helffen verreydingē / so vil ich vermocht. Aber
damit bin ich blieben / das ichs Got gar heym gestellet / vñ alle
zeit auff seine hand troglich mich verlassen habe / Darumb hat
er mich auch zu trotz beyde Bapst vnd allen tyrannen / nicht als
leine bey dem leben erhalten / wilchs vil vnd billich fur ein gros
wunder ansehen / vnd ich selbs auch bekennen mus / sonñ mein
Euangelion ymer lassen meer vñd weitter zu nemen. Tu fallet
yhr mir dreyn / wöllet dem Euangelio helffen / vnd sehet nicht
das yhrs damit anffs aller höhest hyndert vnd verdrückt.

Dz sage ich alles meine liebēfreunde / euch trewlich zu war
nen / das yr euch yn dyser sachen euffert des christliche namēs /
vnd rhumes des christlichen rechtes / Den̄ habt recht wie hoch
yhr wollet / so gebürt keinem Christen zu rechten noch zu secht
ten / sondern vnrecht zu leiden vnd das vbel zu dulden / da wirt
nicht anders aus. 1. Corinth. 6. Wie yr selbst yn der vorzhede be
kennet / das alle die yn Christum glauben / leiblich / fridlich / ge
dultig vnd cynig werden. Aber mit der that beweyset yhr eyttel
vngedult / vnfrid / streit vnd freuel / wider ewr eygen wort / Ir
wolltet denn die gedultig heissen / die kein vnrecht noch vbel /
sondern eittel recht vnd guts leyden wollen / Das were aber ey
ne feyne gedult / die auch ein bube leyden kann / schweyge ein
christgleubiger mensch. Darumb sage ich abermal / Ich lasse
ewer sachen sein wie gut vnd recht sie sein kan / weil yhr sie aber
selbs wolt verreydingen vnd nicht gewalt noch vnrecht leyden /
mügte yhr thun vnd lassen was euch Got nicht weret. Aber den
Christlichen namen / den christlichen namē sage ich / den last ste
hen / vnd macht den nicht zum schanddeckel / ewrs vngedultigē
vnfridlichen / vnchristlichen furnemens / den wil ich euch nicht
lassen noch gūnnen / sondern beide mit schriften vnd wortten
euch abreißen / nach meinem vermügē / so lange sich eine ader
regt yn meinem leibe / Den̄ es wird euch nicht gelingen / oder
wird euch zu verderben an leib vnd seele gelingen.

Nicht das ich damit die oberkeit yn yhrem vntreglichen
vnrecht / so yhr leydet / rechtfertigen oder verreydingen wöl

te/ Sie sind vnd thunn gewolich vnrecht / das bekenne ich/
Sondern das wil ich/ Wo yhr euch beydes theyls nicht wöl
let lassen weisen/ vnd da Got fur sey/ an einander setzet vnd
treffet/ das da auff keinem teyl Christen genennet werde solle/
sondern wie sonst der welt laufft nach/ ein volck mit dem andn
streitet / vnd wie man spricht/ Das Got einen buben mit dem
andern straffet/ Sölcher arth vnd namens wil ich euch gerech
net haben/ obs zum streit keme/ das Got gnediglich wende / dz
die oberkeit wisse wie sie sich nicht widder Christē streitte/ son
dern wider heyden/ Vnd yhr widderumb auch wisset / das yhr
nicht als die Christen/ sondern als die heiden wider die oberkeit
streitet/ Den Christen die streitē nicht fur sich selbs mit dem
schwerd noch mit büchßen/ sondern mit dem Creutz vnd leyde/
Gleich wie yrer hertzog Christus nicht das schwerd füret/ son
dern am creutze hanget/ Darumb steht auch yrer sieg nicht ym
obligen vnd hirschen oder gewalt/ sondern ym vnterligen vnd
vnkrafft/ wie S. Paulus sagt. 2. Corinth. 1. Unser Ritterschafft
waffen sind nicht leyblich/ sondern gewaltig yn Got. Vñ aber
mal/ Krafft wird durch vnkrafft volkomē.

So sol nu vnd mus ewr tittel vnd namen dieser sein/ Das yhr
die leutte seyt/ die darumb streitē/ das sie nicht vnrecht noch
vbels leyden wölle noch sollen/ wie das die natur gibt/ Den na
men solt yhr füren/ vnd Christus namen mit fridē lassen/ den dz
ist auch ewer werck/ vnd so thut yhr auch/ Wölte yr den nicht
füren/ sondern Christlichen namē behalten/ Wolan so mus ich
die sache nicht anders verstehē/ denn das sie mir gelte/ vñ euch
fur feinde rechen vnd halten/ die mein Euangelion dempffen od
hyndern wölle/ meer denn Bapst vnd Keyser bissher than habē/
weil yr vnter des Euangelij namen widder das Euangelion fa
ret vnd thut/ So wil ich auch widderumb euch nicht bergen
was ich darzu thun wil/ Ich wil Gott die sache heim stellen/
den hals dran wagen/ mit Gots gnadē/ vnd mich trözlich auff
yhn verlassen/ wie ich bissher gegen Bapst vnd Keiser than ha
be/ Vnd fur euch bitten/ das er euch erleuchte vnd wider ewer
furnemē

furnehmen stehenn/ das ers nicht lasse gerattem / Dein ich se
he das wol/ das der teuffel so er mich bissher nicht hatt mügen
vmbbringen/ durch den Papst/ sucht er mich durch die blutdür
stigen mordpropheten vnd rotten geister so vnter euch sind / zu
vertilgen vnd aufffressen/ Tu er fresse mich. Es sol yhm der
bauch enge gnug dauon werden/ das weys ich/ Vnd ob yhr ge
winnet/ solt yhrs doch auch nicht viel geniessen/ Ich bitte aber
gar demüticklich vnd freuntlich/ wöltet euch baß besinnen / vn
also halten/ das mir solchs trotz vnd gebetts zu Got widder
euch nicht nott sey.

Denn ob ich wol ein armer sündiger mensch bin/ so weys ich
doch/ vnd bin gewiß/ das ich ynn diesem fall ein rechte sache ha
be/ wenn ich vmb den Christlichen namen fechte/ vnd bitte/ das
er nicht geschendet werde/ So bin ich auch gewiß/ das mein ge
bett fur Got angenommen yst/ vnd erhöret wird/ Den er hat vns
selbs zu beten geleret ym Vatter vnser/ da wir sagen/ Dein na
me werde geheyliget/ vnd verbotten/ den selbigen zu schenden
ym andern gebot. Darumb bit ich yhr wöltet solch mein gebet/
vnd aller die mit mir beten nicht verachten/ Denn es wird euch
zu mechtig sein/ Vnd Got wider euch erwecken / wie S. Jacob
spricht / Des gerechten gebett vermag viel / wo es anhelte / Wie
Elias gebet thet. Vnd haben auch tröstliche verheissunge Got
tes das er vns erhören wil. Johan. 14. Was yhr bittet ynn meyn
em namen/ das wil ich thun. Vnd. 1. Johan. 5. So wir etwas
bitton nach seinem willen/ so erhöret er vns. Sölchen trost vnd
zuuersicht zu bitten künd yhr nicht haben/ weyl euch ewer ge
wissen vnd die schrifft vberzeuget/ das ewer furnemen heyde
nisch vnd nicht Christlich ist/ vnd vnter dem namen des Euang
geli widder das Euangelion vnd zu schmach des Christlichen na
mens handelt/ Ich weys auch dz ewer keiner nie kein mal Got
gebetten noch angeruffen hat yn solcher sachen/ Vhr künd auch
noch nicht/ Denn yhr thüret ewer augen nicht gegen yhm auff
heben ynn dem fal/ Sondern trozet nür mit ewer faust/ die yhr
aus vngedult vnd vnseydlichem willen zu samen bracht habt/
C

das euch nicht wol außgehelt wird.

Weret yhr aber Christen / So würdet yhr faust vnd schwerde
trozen vnd drewen lassen / vnd zum Vater vnser euch haltē / vñ
mit beten ewer sachen bey Got foddern vnd sprechen / Dein wil
geschehe. Item / erlöse vns von vbel / Amen. wie yhr sehet / das
ym Psalter die rechten heyligen yhre not fur Got tragen vñ kla
gen / vnd von yhm hülffe suchen. Nicht sich selbs vertheydingen /
noch dem vbel widderstehē. Sölch gebet hette euch mehr gehol
fen yñ allen ewren nödten / den̄ wenn ewer die welt vol were. Set
te auch daz gute gewissen vnd tröstliche zuuersicht / das yhr er
höret würdet / wie seyne verheyssunge lauten. 1. Thimot. 4. Er
ist aller menschen helffer / sonderlich der gleubigen. Vñ psal. 49
Ruffe mich an yñ der not / so wil ich dyr helfen. Vnd psalm. 90.
Er hat mich angeruffen yn der not / / drum wil ich yhm auß
helffen. Sehet / dz ist die rechte Christliche weyse / vñ vnglück
vnd vbel los zu werdē / nemlich / duldē vnd Got anruffen. Weyl
yr aber der keyns thut / widder ruffet noch duldet / sondern mit
eygener macht euch selber helft / vnd macht euch selbs zu ewrem
Got vnd heyland. So mus vnd kan Gott nicht ewer Gott noch
heyland seyn. So mügt yhr auch / als die Heydē vnd gotlesterer
etwas ausrichten / so es Got verhenget / dafür wir bitten / aber
das nicht / den̄ zu ewrem ewigen vñ zeitlichen verderben. Als
Christen aber oder Euangelische / werdet yhr nichts gewinnen /
da wolt ich tausent helse an verwetten.

Hieraus ist nu leychtlich auff alle ewer articke geantwortet.
Den̄ ob sie gleych alle natürlich recht vñ billich werē. So habt yr
doch das Christlich recht vergessen / das yhr sie nicht mit gedult
vnd gebet gegen Got / wie Christlichen leuten gebürt / erobert
vnd ausgefüret / sondern mit eygener vngedult vnd frenel fürge
nomen der oberkeyt abzu dringen vnd mit gewalt zu erzwingē /
wilchs auch widder landrecht vnd natürliche billickeyt ist. Vnd
der yenige / so ewer articke gestellt hat / ist keyn frum redlich
man. Den̄ er hat viel Capitel aus der schrifft an dē rand gezeich
net / als da die articke solken gegründet seyn / vnd behelt doch dē
brey ym

brey ym maule vnd leste die sprüche aussen / damit er seyner böß
heyt vnd ewerm fürnemen eynen scheyn mache / euch zu verführen
vnd zu hetzen vnd yn die fahr zu setzen. Den solche angezeigte ca
pitel / so mā sie durchlieset / sagen nicht viel von ewrem fürnemē
sondern viel mehr das wider spiel / das man Christlich leben vnd
faren solle. Es wird eyn rottischer Prophet etwa seyn / der seynē
mutwillen durch euch an dem Euāgelio sucht / Dem wölke got
weren / vnd euch für yhm behüten.

Auffs erst / das yhr ym der vorrede zuuor kompt vnd rhümet.
wie yhr nicht aufrührisch seyn wölt / sondern entschuldigt euch
das yhr nach dem Euāgelio zu lerē vnd lebē begerd 2c. Da straffte
euch ewer eygen mund vnd werck. Den yhr bekennet das yhr euch
rottet vnd empöret / vnd wölt solchs mit dem Euangelio beschö
nen. So habt yhr droben gehört / das Euangelion leret die chri
sten leyden vnd dulden das vnrecht / vnd beten gegen Got yn al
kerley not. Yhr aber wölt nicht leyden / sondern wie die heyden
die oberkeyt nach ewrem willen vnd vngedult zwingen. Yhr für
ret auch die kinder Israel zum exempel her / das Got ihr ruffen
erhöret vnd sie erlöset habe. Warumb haltet yhr euch des selben
exempels nicht / des yhr euch rhümet? Ruffet auch so zu Got vi
harret bis er euch auch eynen Mosen sende / der mit zeychen vnd
wunder beweyse das er von Got gesant sey. Die kind Israel rot
tetē sich nicht widder Pharao / sie hülffen auch yhn selbs nicht
wie yhr fürnemet. Darumb ist solch exempel stracks widder euch
vnd verdammet euch / die yhr euch des rhümet / vnd doch das
widder spiel thut.

Auch ist das nicht war / das yhr euch rhümet nach dem Euan
gelio zu lere vnd leben. Ist doch keyn artickel da / der eyn ey
nigs stück vom Euangelio leret / sondern alles ist dahin gericht
dz yhr ewer leyb vnd gut frey habt / vnd Summa / sie setzen alle vñ
weltlichen zeytlichen sachen / dz yhr gewalt vnd gut habt wöls
set / nichts vnrechts zu leydē. So doch dz Euangelion sich welt
licher sachen gar nichts annipt / vnd dz eußerlich lebē alleyn yn
leyden / vnrecht / creutz / gedult / vnd verachtung zeytlicher güt

ter vnd lebens setz. Wie reymet sich den nu das Euāgelion mit euch? on das yhr den scheyn dauon ewers vnteuangelischen vñ vn christlichen fürnemens sucht/ vñ sehet nicht / wie yhr damit dz heylig Euāgelion Christi schmehet vñ zum schāddeckel macht. Darumb müßet yhr hie euch anders stellen/ entweder diese sache ganz vnd gar lassen fallen/ vnd euch zu leyden solch vnrecht begeben/ wolt yhr Christen seyn vnd heysen / oder wolt yhr die sache ausführen/ eynen andern namen fürwenden/ vnd nicht als Christen genennet vnd geachtet werden/ da ist kein mittel vnd wird nicht anders aus.

War ist's/ das yhr recht habt ym dem das yr das Euāgelio begerd/ so es anders ewer ernst ist. Ja ich wil diesen articel beschaffen/ denn yhr selbs thut/ vnd also sagen. Es ist yhe vnleidlich/ das man jemand den himel zu schliesse/ vnd mit gewalt yn die helle jage. Solchs sol ja niemand leyden / vnd ehe hündert helse drüber lassen. Wer aber mir das Euāgelion weret/ d̄ schleußt mir den hymel zu vnd jagt mich mit gewalt yn die helle / weyl kein ander weg noch mittel zur seelen selickeyt ist/ den das Euāgelion. So sol ich ja solchs bey verlust meynen seelen nicht leyden sehet/ ist dz recht nicht starck gnug beweyset. Noch folget nit daraus/ das ich mich solt setzen mit der faust gegē die oberkeyt die solch vnrecht an mir thut. So sprichstu / wie sol ichs den zu gleich leyden vnd nicht leyden? Wie antwortet es sich leichtlich also / Es ist vnmüglich dz jemāde solt das euāgelion geweret werden. Es ist auch kein gewalt yn himel vnd erden die solehs vermüge. Den es ist eyne offentliche lere / die vnder dem himel frey daher gehet/ an keynen ort gebunden / wie der stern/ der Chr̄is geburt den weysen aus den morgen lenden/ yn der lufft lauffend/ anzeigte.

Das ist wol war/ stedte/ ort vnd raum / da das Euāgelion odder prediger ist/ mügē die herzn daselbs wol weren. Aber du kanst die selbige stad odder ort lassen vnd dem Euāgelio an eym andern ort nachlauffen. Vnd ist nicht not das du vmb des Euāgelion willen auch die stad od den ort eynnemest oder behaltest
Sondern

Sondern las dem herren seine stad vñ folge du dem Euangelio/
so leydestu/ das man dir vnrecht thue vnd dich veryaget / vñ ley
dest doch zu gleich nicht/ das man dir das Euangelion neme od
were. Sihe/ so komen die zwey vber eins/ Leyden vnd nicht ley
den/ Sonst wo du die stad auch wilt behalten/ mit dem Euang
gelio/ So raubestu dem herren der stad das seine/ vnd gibst für
du thust es vmb's Euangelio/ Lieber das Euangelion leret dich
nicht rauben noch nemen/ weñ gleich der herz des gutts widder
Got vnd mit vnrecht vnd dir zu schaden / des selbē misbraucht.
Das Euangelion darff keins leiblichen raumes noch stad / da
es bleibe/ Es wil vnd mus ym herzen bleiben.

Sölchs hat Christus geleret Matth. 10. So sie euch ynn eynere
stad veryagen/ so fliehet yn eine andere. Er spricht nicht/ Wenn
sie euch yn einer stad veryagen/ so bleibt drynnen vnd nemet die
stad ein/ dem Euangelio zu lobē/ vnd rottet euch wid die herren
der stad wie man yzt thun wil vnd leret/ Sondern fliehet / flie
het ymer so fort ynn eine ander/ biß des menschen son komet zc.
Denn ich sage euch/ yhr werdet die stedte nicht alle aufrichten/
bis der son des menschen wird komen. Also spricht er auch Mat.
23. das die gotlosen werden seine Euangelisten veryagen von ey
ner stad zur andern. Also spricht auch Paulus 2. Corinth. 4. Wir
sind an keinem gewissen ortz/ Wenn es nu also geschicht/ dz ein
Christen ymer von eym ortz zum andern weichē mus vmb's Euā
gelions willen/ vnd lassen alles wo er ist/ vnd was er hat oder
the vngewiß sitz vnd alle stunde sölchs wartet/ so gehet es ihm
recht wie es ein Christen gehen sol/ Denn darumb das er nicht
leyden wil/ das Euangelion yhm zu nemen oder weren / leydet
er das man yhm nempt vnd weret/ stedt/ ort/ gut/ vnd alles w
er ist vnd hatt. Wo reymet sich nu hieher ewr fürnemen/ die yhr
stedt vnd ortz einnemet vnd behaltet/ die nicht ewer siud/ vnd
wölt nicht leyden/ das man euch die neme vnd were / sondern yz
nemet vnd weret sie yhren natürlichen herren? was sind mir das
für Christen/ die vmb's Euangelion willen/ reuber/ diebe/ vnd
schelcke werden/ vnd sagen darnach sie sind euangelisch?

D

Auff den ersten Artickel.

Ein ganze gemeine solmacht haben einen Pfarhern zu wele vnd zu entsetze. Diser artickel ist recht/ wenn er nur auch Christlich wurde furgenomē/ on das die capittel am rande angezeigt/ nichts dazu dienen. Wenn nu die güter der Pfarz / von der oberkeit komē/ vnd nicht von d gemeine/ So mag die gemeine nicht die selbigē güter zu wenden/ dem den sie erwelet/ den dz were geraubt vnd genomen/ Sondern wil sie einen Pfarhern habē/ dz sie zu erst solchen demüticklich bitte von der oberkeit. Wil die oberkeit nicht/ so wele sie einen eygen/ vnd neere den selben von yren eygen güttern/ vnd lasse der oberkeit yre gütter/ oder erläge sie mit recht von yhn. Wil aber die oberkeit solchen yhren erweleten vnd erneerten Pfarhern nicht leyden/ So lass man yhn fliehen yn eine andere stad/ vnd fliege mit yhm wer da wil/ wie Christus leeret. Das heisst Christlich vnd Euangelisch eygen Pfarhern wele vnd haben. Wer anders thut/ der handelt vnd christlich/ als ein reuber vnd freueler.

Auff den andern Artickel.

Die zehenden sollen dem Pfarhern vnd armen leuten ausgesteylet werden/ Das vbrige behalten zur lands notze. Diser artickel ist eittel raub vñ öffentliche strauchdieberey/ Den da wollen sie den zehenden/ der nicht yhr/ sondern der oberkeit ist/ zusich reissen/ vnd damit machen was sie wollen. Nicht also lieben freunde/ das heisst die oberkeit ganz vnd gar abgesetzt/ So yhr doch yn der vorrhede bedingt/ niemant das seine zu nemē. Wölt yr geben vnd guts thun/ so thuts von ewrem gute/ wie der weyße man spricht. Den Got durch Esaiam sagt/ Ich hasse dz opffer das vom raube kompt. Redet yr doch yn disem artickel / als weret yr schon herzen yn landen/ vnd hettet alle gütter d oberkeit zu euch genomē/ vnd wöllet niemant vnterthan sein/ noch gebē/ Daran man greiffet/ was yr ym syn habt. Liebē herze last ab/ lasse ab/ yhr werdet nicht enden/ Es helffen euch nicht die capittel der schrift/ so ewr lügen prediger vnd falscher propheta an den rand geschmiret hat/ sondern sind widder euch.

Zuff den dritten Artickel.

Es sol kein leybeygener sein/ weyl vns Chrüs hat alle befreyet. Was ist das? dz heyst Christliche freyheit ganz fleischlich machen. Hat nicht Abraham vnd ander Patriarchen vnd prophetē auch leybeygen gehabt? leset S. Paulen was er vō den knechtē/ wilche zu der zeit alle leybeygen waren/ leret. Drum ist dieser artickel strack wider das Euangelion vnd reubisch/ Damit eyn yglicher seinen leib/ so eygen worden ist/ seinem herzn nimpt/ Den ein leybeygener kan wol Christen sein vnd Christliche freyheit haben/ gleich wie ein gefangener oder kranker Christē ist/ vnd doch nicht frey ist. Es wil dieser artickel alle menschē gleich machen/ vnd aus dem geistlichē reich Christi ein weltlich eusserlich reich machen/ wilchs vnmöglich ist/ Den weltlich reich kan nicht stehen wo nicht vngleichheit ist yn personē/ das etliche frey sein/ etliche gefangen/ etliche herzn/ etliche vnterthan zc. Wie S. Paulus sagt Gal. 5. das yn Christo/ herzn vnd knecht ein ding sey. Davon hatt mein herzn vnd freund Urban Regius wol vnd gnug geschrieben/ da magstu weiter lesen.

Zuff die ander acht Artickel.

Die andern artickel von freyheit des wiltprets/ vogel/ fysch/ holz/ welde/ von diensten/ zinsen/ auffsetzen/ zeynen tod fal zc. befelch ich den rechtnerstendigen/ Den mir als ein Euangelistē nicht gepürt/ hyrinnē vrteylē vñ richtē. Ich sol die gewissen vnterrichtē vnd leeren/ was götliche vnd Christliche sachē betrifft. Man hat bücher gnug hie von yn Keyserlichen rechten. So habe ich droben gesagt/ das solche stücke einen Christē nicht angehen/ er fragt auch nicht darnach. Er lesst raubē/ nemē/ druckē schinden/ schaben/ fressen vnd toben/ wer do wil/ den er ist eyn merterer auff erden. Derhalben die Barzschafft hyrinnē billich den Christlichen namen auch solt mit fridē lassen/ vnd handeln vnter dem namē als die gerne menschlich vñ natürlich recht wölten haben/ nicht als die Christlich recht suchten. Wilchs heist sie yn allē disen stückē stille stehē/ leiden vnd alleine got klagē.

Sehet lieben herren vnd freunde / das ist meine vnterricht / so
yhr von mir begeret habt ynn einem andern zeddel / Vnd bitte /
wöllet ewer erbietung gedencen / dz yr euch gerne wöllet mit schrift
lassen weisen. Wenn nu diß zu euch kompt / so schreyet nicht so
bald. Der Luther heuchlet den Fürsten / Er redt wider das euā
gelion. Leset zuuor vnd sehet meinen grund aus der schrift / den
es gylet euch / Ich bin entschuldiget für Got vnd der welt / Ich
kenne die falschen Propheten vnter euch wol / Gehorchet yhnen
nicht / sie verführe euch warlich / Sie meynē ewer gewissen nicht.
Sondern wolten gerne Galater aus euch machen / das sie durch
euch zu gut vnd ehren kēmen / vnd darnach samp t euch ynn der
hellen ewicklich verdampt sein müsten.

Vermahnung beyde an die Oberkeyt vnd Barvrschafft.

Eyl nun lieben herren auff beyden seitten nichts Christ
w lichs ist / auch keine Christliche sache zw isschen euch
schwebt / sondern beide herren vnd barvrschafft umb
Heydenisch oder weltlich recht vnd vnrecht / vnd umb zeitlich
gut zu thun habt. Dazu auff beiden seysten wider Got handelt
vnd vnter seinem zorn stehet / wie yhr gehört habt. So laßt euch
vmb Gottes willen sagen vnd raten / vnd greiffet die sache an /
wie solche sachen anzugreiffen sind / Das ist mit recht vñ nicht
mit gewalt noch mit streyt / Auff das yhr nicht ein vnendlich
blutuergiessen anrichtet yn Deutschen landen. Denn weyl yhr
beydes theils vnrecht seyt / vnd dazu euch selbs noch rechen vñ
schützen wöllet / werdet yhr euch zu beyden seitten verderben /
vnd wird Got einen bubben mit dem andern steuppen.

Ihr herren ha't wider euch die schrift vñ geschichte wie die
tyrannē sind gestrafft / Das auch die Heydenischē Poetē sc hrey
ben / wie die tyrannē selten am trockē tod sterbē / sondern geme y
nicklich erwürgt worden sind vnd ym blut umb komē. Weyl den
gewiß ist / das yr tyrannisch vnd wuetiglich regirt / das Euang
gelion verbietet / vñ den armē man so schindet vñ drückt / habe
yhr keyt

ihz keine trost noch hoffnung / den dz ihz umbkomet / wie ewer
gleichen sind umbkomen. Sehet alle künigreiche an / wie sie eyn
ende haben genhomen durchs schwerd / als Assyrien / Persien /
Juden / Römer / vnd so fortan / die allzumal zu letzt verderbet
sind / gleych wie sie zuuor andere verderbet habē. Damit Got be
weyset / das er richter ist auff erdē / vñ kein vnrecht vngestraft
lest. Derhalben euch nichts gewissers den gleych vrt Eyl auf dem
halse ligt / es geschehe igt oder hernach / wo yr euch nit bessert.

Ihz Barren habe auch widder euch / schrift vnd erfahrung /
das nie kein rotterey eyn gut ende genomē hat / vnd Gott hat al
le wege strenge vber diesem wort gehalten. Wer dz schwerd nipt
sol durchs schwerd umbkome. Weyl yhz den vnrecht thut / das
yhz euch selbs richtet vnd rechet / dazu den Christlichen namen
vnwirdiglich füret / seyt yhz gewis auch vnter Gottes zorn. Vñ
wen yhz gleich gewinnet vnd alle hirschaft verderbet / würdet
yhz zu letzt / doch euch selbs vntereinander müssen zu fleyschē /
wie die wütigen bestie. Den weyl kein geyst / sondern fleisch vñ
blut vnter euch regirt / wird Gott bald eynē bösen geyst vnder
euch senden / wie er thut mit den zu Sichem vñ Abimelech. Se
het an wie alle rotterey zu letzt eyn ende hat genomen / als Ko
rah / Numeri. 16. Item Absalon / Seba / Samri / vnd der gley
chē. Kurtz vmb beyde Tyrannen vnd Rotten ist Got feynd / dar
vmb hezt er sie an eynander / dz sie beydes teylschendlich umb
kome / vñ also seyn zorn vnd vrt Eyl vber die gotlosen volbracht

Myz ist das am aller leydestē vnd hoch zu erbarmē (werde.
vñ wolts gerne mit meim leben vnd sterbē abkuffen / das auff
beyden seytzen zween vnüberwindliche schadē folgen. Den weyl
kein teyl mit gutē gewissen streytet / sonñ beyde teyl vmb das
vnrecht zurhaltē sichtet / so mus zu erstē folgē / dz / wilche da er
schlagen würden / mit leyb vnd seele ewiglich verloren sind / als
die yñ yhren sundē sterben / on rew vnd gnade ym zorn Gottes /
da ist kein hülffe noch rad für. Den die herin würdē darüb strey
ten / das sie yhre Tyranny vnd verfolgung des euāgeli vnd vns
rechte beschwerung der armen / bestetiget vnd erhieltē / oder

D iij.

yhe die yeningen / so solcherley sind / helffen bestettigen vñ hand
habē. Das ist ye greulich vnrecht vnd widder Got / wer darynnē
funden wird / mus ewiglich verlorñ seyn. Widerumb die bawrē
würde streyten yhre rotterey vnd misbrauch des Christlichē na
mens zu verfechtē / wilchs auch beydes höchlich wider Gott ist /
vnd wer darynn vnd daruber stirbt / mus auch ewicklich verlorñ
seyn / da hilfft auch nichts fur.

Der ander schade / das Teutsche land wird verwüstet werdē /
vnd wo eyn mal solch blutuergiessen angehet / wird es schwer
lich auff hörē / es sey den alles verderbt. Den es ist streyt bald an
gefangen. Es steht aber nicht yn vnser macht auff zu hören wenn
wir wollen. Was habē euch den nu getan / so viel vnschuldiger
Kinder / weyber vnd alre leute / die yhr narren mit euch yn solche
fahz zihet / das land vol bluts / raubs / widwe vñ weyßen zu ma
chen? O der teuffel hats treflich böse ym synn / So ist Got hoch
erzürnet vnd dretet vns den selben los zu lassen / vnd seyn müts
lin yn vnserm blut vnd seelē zu küle. Sehet euch fur liebē herzen /
vnd seyt weyse. Es gilt euch allē beydē. Was hilffts euch / dz yhr
euch selbs ewiglich vñnd mutwilliglich verdäpt / vñnd dazu eyn
wüst vnd zerstöret blütig land hinder euch ewern nachkomē las
set? So yhr d sache bey zeyt wol besser radtē künd / durch busse ge
gen Got / vñ freuntlichē vertrag odder willigem leydē fur dē mē
schen. Mit trotz vnd streyt werdet yhr nichts schaffen.

Darumb were meyn trewer rad / dz man aus dem Zidel etliche
Graffen vñnd herzn / aus den stedtē etliche radsherzn erwelete /
vnd die sachen ließen freundlicher weyse handeln vñ stillē / Das
yhr herzen ewern steyffen mut herunter lieffet / wilchen yr doch
müffet zu letzt lassen / yhr wöllet oder wöllet nicht / vnd wiechet
eyn wanig von ewer Tyranny vñnd vnterdrückunge / dz d arme
man auch lufft vnd raum gewünne zu leben. Widerüb die baurē
sich auch weyßen ließen / vñ etlich artickel die zu vil vnd zu hoch
greyffen / vbergebē vnd faren ließen. Auff dz also die sache / ob sy
nicht mag ynn Christlicher weyse gehandelt werdē / das sie doch
nach menschlichen rechten vnd vertragen gestillet werde.

Werdes

Werdet ihz solchem rad nicht folgen/ da Got für sey/ mus ich
euch zusamē lassen. Ich aber byn vnschuldig an ewer seelen blut
vnd gut/ yhz werdet selber tragen. Ich hab s euch gesagt/ dz yz
zu beyden teylē vnrecht habt/ vnd vmb vnrecht fechtet. Ihz her
ren fechter nicht widder Christen/ den Christen thū euch nichts:
sonder n leyden alles/ yhz fechtet aber widder offentliche reuber
vnd schender Christlichs namens/ Wilch vnter yhn sterben/ sind
schon ewiglich verdampft. Widderumb yhz bawzen / yhz fechtet
auch nicht widder Christen/ sondern widder Tyrannē vnd verfol
ger Gottes vnd der menschen/ vnd widder mörder der heyligen
Christi. Wilche da sterbē sind auch ewiglich verdampft. Da habt
yhz alle beyde teil/ ewer gewis vrt Eyl von Got/ das weys ich für
war. Thut nu was yhz wöllet/ so yhz ya nicht folgen wöllet ewer
leyb vnd seele zu erhalten.

Ich aber wil mit den meynen Got bitten/ das er euch beydes
teyls/ entwedder vertrage vnd eynige odder gnediglich verhin
dere/ das nicht nach ewrem synne hynaus gehe / wiewol mir die
schrecklichen zeychen vnd wunder/ so diese zeit her geschē sind/
einen schweren mut machen/ vnd sorge Gottes zorn sey zu starck
angangen/ wie er sagt yn Jeremia. Wenn gleych Noe/ Job/ vñ
Daniel für mir stünden / hette ich doch keynen willenn an dem
volck. Wolt Got yhz fürchtet euch für seynem zorn / vnd bessert
euch / das doch die plage eynen verzug vnd lenger auff
schub gewinne. Wolan ich habe / als mir meyn
gewissen zeugnis gibt/ euch allen Christ
lich vnd brüderlich trew gnug ge
radten/ Got gebe das
es helffe/
Amē.

*Conuertetur dolor eius in caput eius.
Et in verticem ipsius iniquitas eius descendat.*

~~Handwritten text in red ink, possibly a title or page number, partially obscured by blue ink.~~

QR 29 2108

Handwritten text in red ink, possibly a title or page number.

Faint, mostly illegible handwritten text in black ink, likely bleed-through from the reverse side of the page.

Handwritten initials or a mark in the bottom right corner.



ULB Halle

3

004 967 437



Q.K. 120, 17.

Vg
2108



Ermanunge zum fri-
de auff die zwelff
Artikel d̄ Barv-
schafft ynn
Schwar-
ben.

Adart. Luther.
Wittemberg.
1525

BIBLIOTHECA
PONICKAVIANA

